



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Mandatvm Regis Poloniae.

urn:nbn:de:hbz:466:1-15644

Fuit celebrata Missa submissa voce per reuerendum pa-
trem dominum Gabrielem archiepiscopū Dyrrachiensem,
& habita oratio per dominum Baltassarem del Rio cleri-
cum Palentinum, protonotarium apostolicum, reuerendissimi
domini cardinalis Alborensis secretarium : cuius te-
nor in fine præsentis sessionis est insertus. Et cantatis lita-
niis, & aliis deuotis orationibus, & ab eodem sanctissimo
domino nostro benedicta Synodo, prout moris est, reue-
rendissimus dominus Alexander sancti Eustachii diaconus
cardinalis, de Farnesio vulgariter nuncupatus, cantauit
Luc. 10.
euangelium secundum Lucam, quod incipit : *Designauit
Dominus & alios septuaginta duos discipulos, &c. Quo finito
oratores Poloniae supradicti præsentarunt mandatum il-
lustrissimi domini Sigismundi regis Poloniae. Et reueren-
dus pater dominus Thomas Phædra ascendit ambonem,
& legit illud tenoris inserti, videlicet:*

MANDATVM REGIS POLONIAE.

*Sigismundus Dei gratia rex Poloniae, magnus dux Lithuaniae,
Russiæque, &c. dominus & heres.*

Notum facimus vniuersis & singulis harum seriem in-
specturis, lectoris seu audituris, quod postea quam accep-
imus dominum olim felicissime recordationis Iulium II.
diuina prouidentia sanctæ Romanæ ac vniuersalis eccle-
siæ summum pontificem, pro defendenda sanctæ Roma-
næ ecclesiæ vnitate, & sanctissima contra catholicæ fidei
& crucis Iesu Christi hostes expeditione suscipienda, Con-
cilium generale in Laterano indixisse, memores officii ac
debiti nostri, quo eidem sanctæ Romanæ ecclesiæ matri
nostræ sumus adstricti, pro cuius honore & tranquillo sta-
tu omnes vires nostras effundere semper parati sumus, de
certa nostra scientia, ac vniuersorum regni ac dominiorum
nostrorum, principum spiritualium & sæcularium, proce-
rum, communitatum ac militiarum consilio & coaffectu,
reuerendum in Christo patrem dominum Ioannem eccle-
siæ metropolitanæ Gneznensis archiepiscopum, & regni
nostræ primatem, & magnificum Stanislaum de * Ostrorog
equitem auratum, Palatinatus castellanum, nostros & re-
gni nostri consiliarios sincere dilectos, quos etiam nuper
piis

ANNO CHRISTI 1513. piis paternisque monitis prædicti olim Iulii summi pontificis ad infra scripta designatos legauerimus, eosdemque ad sanctissimum in Christo patrem & dominum, dominum Leonem decimum diuina prouidentia eiusdem sanctæ Romanæ ac vniuersalis ecclesiæ summum pontificem modernum, & sanctam sedem apostolicam, ac sacrum Lateranense Concilium, si & inquantum cœptam prosecutionem habuerit, oratores designauimus & designamus, & deputamus harum serie literarum, dantes illis plenam & omnimodam potestatem pro nobis ac regnis, dominiis, principibus, spiritualibus & fæcularibus, proceribus & populis dictioni nostra subiectis coram eadem sanctitate domini nostri, domini Leonis decimi papæ moderni, comparendi, ibidemque obedientiam, iuxta maiorum meorum consuetudinem, præfato sanctissimo domino nostro nouo præstandi, & recognoscendi eumdem sanctissimū dominum nostrum papam esse verum, vnicum & indubitatum pontificem, & dominici gregis pastorem, & in sacro Lateranensi Concilio dicendi, proponendi, atque quæ regno nostro opportuna sunt, petendi, agendi, tractandi omnia & singula, quæ ad celebrandum & concludendum ipsum sacram Concilium, & quæ in eodem proponentur & tractabuntur, nec non ad dictæ sanctæ Romanæ ecclesiæ & membrorum eius vunionem, Christianæque religionis augmentum, atque ad sanctissimam & a nobis desideratam in eius Christianæ religionis & catholicæ fidei hostes expeditiōnem, & quæ ad obedientiam consuetam præstandam fuerint necessaria seu opportuna, etiam si talia forent, quæ mandatum exigerent magis speciale, quam præsentibus est insertum; & quæ ipsimet faceremus, seu facere possemus, si præsentes adessemus. Promittentes nos ratum, gratum, validum atque firmum habituros quidquid in prædictis & quolibet eorum, per dictos nostros oratores actum & gestum fuerit. In quorum fidem & testimonium præsentes scribi & sigillo nostro sigillari fecimus.

Datum Poznaniæ decima mensis Aprilis, anno Domini 1513.

Sigismundus rex
scripsit.

Quo perfecto, reuerendus pater dominus Marinus
Concil. Tom. 34.

Oo

290 LEO P.X. C. LATERANENSIS V. MAXIMILIANVS I.
IMP.

Caracciolum præsentauit mandatum illustrissimi domini
Maximiliani ducis Mediolanensis: & idem Phædra legit
in ambone tenoris infra scripti, videlicet:

MANDATVM DVCIS MEDIOLANI.

*Maximilianus Maria Sforia, vicecomes, dux Mediolani, &c.
Papiae princeps, Angleriae comes, ac Genuæ
& Cremonæ dominus.*

Nemini dubium sit, quod sacrosancta vniuersalis Synodus, in Deo optimo maximo congregata, vniuerso Christiano orbi & gregi dominico, ac etiam catholicis principibus est admodum proficua & salutaris. Nam circa Christianæ religionis indiuisibilem unitatem, pacem & tranquillitatem versatur, pro vniuersali morum in capite & in membris ecclesiæ reformatione ac Christianæ fidei augmento, & vt vitia extirpentur, corrigantur excessus, & virtutes solidæ inferantur. Tendit etiam ad regum & principum inuicem dissidentium pacificationem & concordiam. Anno superiore felicis recordationis Iulius secundus Lateranense Concilium instituit, & reformandæ ecclesiæ initium tulit, & normam afferre cœpit, extirpando errores qui surgere in Christianis populis velle videbantur. Dehinc ut Pisanum Conciliabulum tolleret, & eius perniciosissimi schismatis extirparet autores, ipsos & præcipios eos fautores Italia expulit. Quibus expulsis, mihi in primis aditus patuit ad recuperandum paternum & hereditarium statum Mediolanensem. Iulio secundo ex humanis sublato, qui tantorum operum auctor esse cœperat, illi successor creatus est, in quo nec sapientia maior, nec animi bonitas firmior ad peragendum quæ inchoata fuerant, desiderari posset. Nuper igitur certior factus sum, sanctissimum ac beatissimum dominum nostrum, dominum Leonem diuina prouidentia decimum pontificē maximum in Lateranensi Concilio sextam sessionem celebrasse, & principes ac populos omnes monuisse, & statuisse, quæ finiendo Concilio supersunt, & pacando Christiano orbi necessaria videntur, peragere velle. Res profecto admodum salubris, & quæ nullis vñquam laudibus satis efferri posset. Hæc autem cum ab omnibus sint magnificienda, minime